

laudes et gratias referre valeremus effectibus apostolicae vestrae dominationis de tot agonibus, quae dignati estis pro totius populi consolatione nostraque salute impendere, de quibus digne et merito vestrae coangelicae coronae diffinitus est dominicus sermo: « Quoniam pastor bonus animam suam pro errantibus ovibus et in perditione succumbentibus posuit redempturus » (*Iob. 10. 11*). Obinde, omnium sacerdotalium pastorum, summe pastor et domine, qui Apostolorum principis Petri beati satis dignam contines fidem et vices seu omnium Apostolorum patule effectus es consors, ac si ante tuis (c o d.: *si tam tuas*) presentaliter conangelicis vestigiis prostratus humo apostolatus atque ter beatissimi sanctissimi domini, exiguitate atque fragilitate mea cum his, qui commissi sunt, vestro pastoralis regimini salubriter dispensandam committo, ut et ego, qui, licet valde dissimilis, animarum tamen dispensationem suscepi, institutionibus doctrinisque de spiritali matre omnium apostolica sede percepi, anxius magna immitandum secundare, deinde proferre prestoler et tamquam in fundamentum firmissimi edificii speciali construere, ad gloriam obsecrationibus apostolici nostri sanctissimi [domini] solidatum possit surgere. Per vestram enim apostolicam sedem, utpote per luminare magnum, inextinguibili fulgore splendidus Dei filius, qui sol est iustitiae, omnium hominum corda lustravit cunctaque catholicae eius ecclesiae membra per totum orbem diffusa in fide christiana rectitudinis una grege (c o d.: *grex*) unoque pastore perseverare disposuit, ne in alicuius erroris caligine labefacta succumbit, sed in fide capiant rectitudinis, per animi cultum pastorem grex dispersa reducatur ad caulam salutis. Ergo, pastor pastorum et omnium sacerdotalium caput et benignissime domine, spes insuadibilis, claritas et redemptio sperandorum, iamdudum apostolicis pro nostris humillimis syllabis precabimus almīs obtutibus de tam crudeli et importabili ingere[n]te malitia, quod gens perfida Langobardorum sanctae nostrae ecclesiae invaserunt hereditatem, insuper et fidem pastorem rectitudinis in ipsa Histriensi provincia abdicarunt et providentiae suae nuper usque